

# أدلة صدق نبوة محمد من القرآن والسنة ج 1 | شرح كتاب سابغات

11

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين التابع من قناة الدعوة الإسلامية على اليوتيوب.

والنهاerde هنكمel تعلیقات على كتاب سابغات للشيخ احمد السيد رينا يحفظه - 00:00:00

ويبارك فيه والنهاerde هنكلm عن الباب الثالث شبّهات حول الرسول صلى الله عليه وسلم وهنكلm تحديداً عن القسم الأول التشكيك في نبوته صلى الله عليه وسلم وهنستعرض اهم دلائل نبوة سيدنا محمد صلى الله عليه وسلم. وعلشان كده الفيديو ده هيتحط ايضاً ضمن سلسلة - 00:00:15

براهين النبوة واثبات صحة دين الاسلام في البداية لو انت مهتم بالحوار الاسلامي المسيحي ومقارنة الاديان والنقض الكتابي او لو مهتم بالقضايا الفكرية المعاصرة ومواضيع الایمان والالحاد. او لو انت مهتم بالاسلام - 00:00:35

عام يبقى انت لازم تشترك في هذه القناة اضغط على زر الاشتراك الاحمر واضغط على عالمة الجرس علشان تيجي لك كل الاشعارات بكل حلقاتنا الجديدة ونببدأ في الباب ثالث شبّهات حول الرسول صلى الله عليه وسلم. ودي من ضمن شبّهات حول اصول الاسلام بشكل عام. فيه شبّهات عن الله عز وجل فيه شبّهات عن القرآن - 00:00:54

الكريـم فيه شبّهات عن النبي محمد صلى الله عليه وسلم. فهو بيقول لك الشـبهـات دي منقسمـة لـقـسمـيـنـ. في التـشـكـيـكـ في اـصـلـ نـبـوـتـهـ صلى الله عليه وسلم وفي الطـعنـ في موـاـقـفـ من سـيـرـتـهـ وـحـيـاتـهـ صلى الله عليه وسلم. ويـقـولـ من اـشـهـرـ الشـبـهـاتـ الليـ هيـ تـعـتـبـرـ طـعنـ في سـيـرـتـهـ وـحـيـاتـهـ شبـهـةـ - 00:01:14

من اـمـنـاـ عـائـشـةـ رـضـيـ اللـهـ عـنـهـ وـزـوـاجـهـ مـنـ صـفـيـةـ رـضـيـ اللـهـ عـنـهـ وـقـضـيـةـ تـعـدـ زـوـجـاتـ وـحـادـثـ بـنـيـ قـرـيـظـةـ وـحـادـثـ الـعـرـيـنـيـنـ دـيـ المـفـروـضـ اـشـهـرـ الشـبـهـاتـ الليـ الشـيـخـ اـحـمـدـ السـيـدـ هـيـتـكـلمـ عـنـ الشـبـهـاتـ هـنـكـلـمـ عـنـ مـسـأـلـةـ التـشـكـيـكـ فيـ نـبـوـتـهـ صلى الله عليه وسلم. والرد - 00:01:34

بيكونـ باـثـبـاتـ نـبـوـتـهـ صلى الله عليه وسلمـ بـالـدـلـائـلـ الـعـقـلـيـةـ وـالـنـقـلـيـةـ. وـاغـلـبـ الـعـلـمـاءـ زـيـ ماـ بـيـقـولـ الشـيـخـ اـحـمـدـ السـيـدـ الليـ اـهـتـمـواـ بـهـذاـ المـوـضـوـعـ اـثـبـاتـ نـبـوـتـهـ صلى الله عليه وسلمـ بـالـدـلـائـلـ الـعـقـلـيـةـ وـالـنـقـلـيـةـ اـهـتـمـواـ اـكـثـرـ بـجـانـبـ الـمـعـجـزـاتـ الـحـسـيـةـ اوـ خـرـقـ الـعـادـاتـ - 00:01:54

علىـ غـيرـهـ مـنـ الـبـرـاهـيـنـ. لكنـ فـيـ نـقـطةـ مـنـهـجـيـةـ فـيـ غـاـيـةـ الـاـهـمـيـةـ بـيـشـيرـ إـلـيـهـ الشـيـخـ اـحـمـدـ السـيـدـ بـيـقـولـ انـ تـنوـيـ الدـلـائـلـ لـتـجـمـعـ بـيـنـ الـعـقـلـ وـالـنـقـلـ هوـ الـاـكـمـلـ. يعنيـ ماـ يـنـفعـشـ بـسـ تـمـسـكـ فـيـ دـلـيلـ وـاحـدـ بـسـ اوـ جـنـسـ دـلـيلـ وـاحـدـ بـسـ منـ ضـمـنـ اـدـلـةـ نـبـوـتـهـ سـيـدـنـاـ - 00:02:14

محمدـ صلىـ اللهـ عـلـيـهـ وـسـلـمـ لـأـلـانـ وـقـتـهـ النـاسـ بـتـعـمـلـ اـيـهـ ؟ـ لـأـنـ اـنـاـ قـلـتـ المـوـضـوـعـ دـهـ كـتـيرـ حـتـىـ فـيـ سـلـسلـةـ بـرـاهـيـنـ النـبـوـةـ. ماـ يـنـفعـشـ انـ اـنـتـ تـمـسـكـ الـمـسـائـلـ اـدـيـ الـمـسـائـلـ كـدـهـ وـتـشـكـ فـيـهـ وـتـرـدـ عـلـيـهـ فـكـأـنـ هـدـمـتـ الـقـضـيـةـ كـلـهـاـ لـأـ الـقـضـيـةـ كـلـيـةـ وـجـمـعـيـةـ بـمـعـنـىـ اـنـ عـلـيـهـ - 00:02:34

اجناسـ اـدـلـةـ كـثـيـرـةـ مـخـتـلـفـةـ. يعنيـ ايـهـ جـنـسـ دـلـيلـ ؟ـ يـعـنيـ الـمـعـجـزـاتـ الـحـسـيـةـ عـنـوانـ تـحـطـيمـ مـعـجـزـاتـ كـتـيرـ. وـبعـدـيـنـ مـسـلاـ الـاخـبـارـ بـالـغـيـبـ عـنـوانـ تـحـتـيـهـ اـدـلـةـ كـتـيرـ. وـبعـدـيـنـ الـكـمـالـ التـشـريـعيـ اوـ التـحـديـ الـلـغـوـيـ اوـ اـيـاـ كانـ. دـيـ عـنـاوـيـنـ تـحـتـيـهـ اـمـثـلـةـ كـتـيرـ - 00:02:54

ما ينفعش مش الصح ان احنا نمسك نوع معين من الادلة بس ونستدل بها على صحة نبوة سيدنا محمد صلى الله عليه وسلم. في مثلاً ناس كتير بتحب لما تيجي تتكلم عن نبوة سيدنا محمد صلى الله عليه وسلم او وحي القرآن او اي باب من ابواب اثبات وحي الله عز وجل للنبي محمد صلى الله عليه وسلم - 00:03:14

بيمسكوا فقط في الاعجاز العلمي القرآني الكريم. وانا شايف ان ده منهج غير صحيح. الموضوع لازم يكون شامل وكامل ويعم كل كل انواع الادلة المختلفة ويتعارض بهذه الطريقة اولاً ولو عاوز تتكلم بقى عن احاد الادلة اللي تحت اي جنس من انواع المعجزات - 00:03:34

او الادلة نتكلم فيها. لكن كون ان انا اعرض المسألة على ان ايه دليل نبوة سيدنا محمد المعجزات الحسية. لأن ما فيش غير كده لأن ده منهج غير صحيح. فهنا هو بيقول دلال نبوة محمد صلى الله عليه وسلم لا تقتصر على المعجزات الحسية الخارقة للعادة بل هي متنوعة. وايضاً الشيخ احمد السيد - 00:03:54

بيشير للنقطة اللي احنا اتكلمنا عنها اكتر من مرة فكرة ان تحصيل اليقين عند الناس متفاوت ومختلف. تفاوت الناس في تحصيل اليقين طيب بغض النظر بقى عن تفاوت الناس في تحصيل اليقين وان ممكن واحد يحصل له اليقين بدليل واحد واحد تاني يحصل له اليقين بدللين ثلاثة واحد - 00:04:14

اللي تيحصل اليقين بادلة كثيرة ودراسة كبيرة وقراءة كثيرة مكثفة. الذي لا ينزع فيه عاقل عادل هو ان ان مجموع دلائل نبوة محمد صلى الله عليه وسلم تفید القطع واليقين المتجاوز لكل شك وريب. فكرة انه بمجموع الادلة - 00:04:34

او بتراكم الادلة قطعاً ولا شك يحصل اليقين ويذهب كل شك وريب. وبالتالي الناس اللي شكاكة او اي او حاسة ان عندها شك كبير جداً لابد دائماً ان تتذكر كل انواع الادلة المختلفة والكم الرهيب المتراكم - 00:04:54

من احدها. طبعاً احنا اتكلمنا في سلسلة براهين نبو صحة دين الاسلام عن منهج كبير في اثبات النبوة. الشيخ احمد السيد يعني اذكر منها بعض النقاط. اول حاجة هو بيقول برهان صدقه واخلاقه صلى الله عليه وسلم. الكمال الاخلاقي دي مسألة ايضاً تكلم عنها - 00:05:14

دكتور سامي عامر ربنا يحفظه ويبارك فيه في كتابه براهين النبوة. لكن النقطة اللي احنا المفروض نتكلم عنها قبل مسألة الكمال الاخلاقي والصدق والكلام ده كله هي المراجع؟ وما هي المصادر؟ وain التراث الذي سارجع اليه علشان اقرأ عن محمد صلى الله عليه وسلم اصلاً - 00:05:34

لذلك الدكتور سامي عامر ربنا يحفظه ويبارك فيه تكلم عن التراث والسير والحديث والنقل ومصطلح الحديث والكلام ده كله وتاريخياً المعلومات اللي احنا نعرفها عن النبي محمد صلى الله عليه وسلم ومعجزاته وهكذا. المسوالة دي لازم نتكلم عنها الاول علشان الانسان يدرك بما - 00:05:54

ادع مجالاً للشك ان احنا لما بنقر الاخبار اللي بتقول ان النبي محمد صلى الله عليه وسلم صادق وامين ولم يكذب قط ولم يعرف عليه الا الصدق وهكذا ان الكلام ده مش حكاوي القهاوي. ده تاريخ ثابت بمنهج معين وقواعد وقوانين وضوابط واحكام ده - 00:06:14

تاريخ حقيقي واقعي. وعلشان كده وجدنا ان المراكز الفكرية اللي بتتناول هذه المواضيع والشبهات المعاصرة. اهتمت باصدار كتب كثيرة في موضوع موسوقية السنة وان كان السنة عقلاً وان المنهج اللي العلماء المسلمين اتخذه في موضوع - 00:06:34

تصحيح الروايات وتضعيفها ان الرواية دي صحيحة بالفعل ده معناه انه تاريخ حقيقي. على سبيل المثال في الكتاب اللي احنا قبل كده اسمه دلالة العقل على ثبوت السنة النبوية. ده من مركز دلائل الكتاب الممتاز جداً بتاع الشيخ عبدالله الشهري - 00:06:54 تالت تاريخ وواقعية السنة. ان كان التاريخ يعني ايه؟ يعني نحن نستطيع بالفعل ان نعرف ما الذي حدث تاريخياً واذا كان ده ممكن في اي حاجة فهو قطعاً ولا شك ممكن اكتر في السنة النبوية الشريفة. وانا بقول لو احنا ما نقدرش - 00:07:14

بالنسبة للتراث الاسلامي نعرف ما هو الشيء التاريخي الحقيقي بالفعل لو احنا ما نقدرش نعرف ده بالنسبة للسنة النبوية الشريفة يبقى لا يمكن نتأكد من اي تاريخ على الاطلاق. لو احنا ما قدرناش نعرف التاريخ الحقيقي فيما يخص السنة - 00:07:34

يبقى مستحيل نعرف اي تاريخ على الاطلاق. انا ليه بقول كده علشان موثوقية السنة من الناحية التاريخية اكتر شيء له موسوقيين تاريخية في التاريخ كله. بسبب ان التراث الاسلامي فيما يخص السنة والسيرة واقوال النبي محمد صلى الله عليه وسلم والحديث وهكذا - 00:07:54

تراث ضخم جدا وعندنا قواعد علمية كثيرة جدا ومعلومات عن الرجال والجرح والتعديل والكلام ده كله. لو المسلمين مش هيقدروا يعرفوا ومع كل ده ايه اللي حصل للنبي محمد صلى الله عليه وسلم فعلا وما يقدروش مع كل ده يعرفوا ايه التاريخ الحقيقي اللي حصل للنبي فعلا يبقى ما حدش - 00:08:14

تاني هيقدر يعرف اي مسألة تاريخية. في كتاب الشيخ احمد السيد في السنة تيشك نزل منه اكتر من طبعة ده دي طبعة قديمة فيه طبعا احدث اكتر من كده وفي عنده كتاب اللي هو تثبيت حجية السنة ونقد وصول المنكريين. طبعة مركز تكوين وفيه ايضا كتاب الاخ رضا زيدان موثوقين - 00:08:34

السنة عقلنا. كل الكتب دي المفروض مقدمة قبل ما نتكلم عن اي معلومات لها علاقة بالنبي محمد صلى الله عليه وسلم. علشان نبقى متأكدين ان بالفعل هذه المعلومات تاريخية وصحيحة مش خرافات واساطير بنقراتها. انا قلت قبل كده ان الدكتور سامي عامر - 00:08:54

في كتابه براهين النبوة بعد ما بيتكلم عن التراث اللي احنا هناخد منه معلومات او هنطلع منها معلومات علشان من خلال هذا التراث هنختبر صدق نبوة سيدنا محمد صلى الله عليه وسلم. فيه حاجات كتير تانية المفروض ندور عليها في هذا التراث مش فقط الكمال الاخلاقي. لكن امور متعلقة - 00:09:14

بطبيع الدعوة و حاجات زي كده. المهم ندخل هنا ل الكلام الشيخ احمد السيد اولا برهان صدقه و اخلاقه صلى الله عليه وسلم. جايب اول حاجة كلام لشيخ الاسلام ابن تيمية وبعدين كلام لابن ابي العز الحنفي كلام في غاية الالاهمية. بيقول ان مدعى الرسالة اما ان - 00:09:34

كن من افضل الخلق و اكمالهم واما ان يكون من انقص الخلق وارذلهم. فكيف يشتبه افضل الخلق و اكمالهم بانقص الخلق وارذلهم. طبعا النصارى يمكن ما يمشيش معهم الكلام ده. لأن اصلا ممكن النبي عادي جدا يبقى من انقص الخلق وارذلهم - 00:09:54  
ترتکب الفواحش والذنوب ويکذب ويذنی ويسرق ويقتل ويغتصب النساء. وممكن في الآخر حتى يکفر بربنا عادي جدا ويعبد الاصنام ويبقى نبی ورسول عادي جدا عند النصارى. لكن احنا كمسلمين بنشترط ان هذا النبي لابد ان يكون من اکمل الخلق - 00:10:14

هو انه يكون من اصدقهم واحسنهم خلقا. لأن الله عز وجل لما بيتنقى نبی او رسول هذا النبي او الرسول كون يعني عارف انت اللي بيمسل الذي ارسله. الانبياء والرسل عند المسلمين من المصطفين الاخيار. وانا كنت عملت فيديو قبل كده - 00:10:34

عن تصور النصارى او تصور الكتاب المقدس عن الانبياء. وقلت ان حتى هذا التصور النصارى بيرفضوه فيما يخصك اهانتهم واحضارهم ورهبانهم. وان لو جه اسقف الكنيسة لا يمكن يكون باخلاق نبی من الانبياء اللي موجودين في الكتاب المقدس - 00:10:54

زي الاخلاق المنسوبة زورا وبهتانا لنوح عليه السلام او سيدنا داود او سيدنا سليمان. هنا بيکمل كلامه وبيقول وما من احد ادعى النبوة من الكاذبين الا وقد ظهر عليه من الجهل والكذب والفساد واستحوذ الشياطين عليه ما ظهر لمن له ادنى - 00:11:14  
تمييز حال الكذاب الفاجر ده. واحد بيکذب على ربنا هيكون حاله ايه؟ وما من احد ادعى النبوة من الصادقين الا ظهر عليه من العلم والصدق والبر وانواع الخيرات. ما ظهر لمن له ادنى تمييز. ده كلام شيخ الاسلام ابن تيمية - 00:11:34  
عبارة اخرى ابن ابي العز الحنفي بيقول النبوة انما يدعىها اصدق الصادقين او اكذب الكاذبين. ولا يلتبس هذا الا على اجهل الجاهلين.

بل قرائن احوالهما تعرف عنهم وتعرف بهما. والتمييز بين الصادق والكاذب له - 00:11:54

طرق كثيرة فيما دون دعوى النبوة. يعني لو انت عايز تعرف ده صادق ولا كذب وهو مش مدعى نبوة. هتقدر تعرف. فما بالك لو هو في قام النبوة بيدعى النبوة فكيف بدعوى النبوة؟ المقصود ان لو احنا عايزين نختبر هل دهنبي ولا مشنبي؟ هيبيان بسهولة - 00:12:14

بيان من خلال احواله وسيرته ومعرفتنا به شخصيا. فهنا الشيخ احمد السيد بيقول في النهاية باب النبوة وانما هو ادعاء خبر معين. ادعاء خبر معين. واحد بيدعى انانبي من عند الله عزوجل. هو بيدعى. فيا اما هو - 00:12:34

صادق في دعواه يا اما هو كاذب. والمخبر بهذا الخبر اما ان يكون صادقا واما ان يكون كاذبا. والتمييز بين الصادق والكاذب في الدعاوى العظيمة يمكن تمييزه بكل سهولة والخداع فيه لا يستمر حتى يكشف. قطعا ولا شك لو النبي محمد صلى الله عليه وسلم ده كان - 00:12:54

نبيا مدعيا دجالا كذا با مخادعا. طب ما هو عاش ما بینا سنین طویلة. ثلاثة وعشرين سنة مدعى نبوة. وقبل ما يدعى النبوة عارفين احواله. هل ممكن لشخص انه يعيش حياته كله من غير ما يظهر عليه ابدا انه كذاب - 00:13:14

باب. فهنا معرفة سيرة محمد صلى الله عليه وسلم. واحواله هي اللي من خاللها هنعرف هو صادق ولا كاذب. علشان كده احنا قلنا السيرة دي هنعرفها منين من التراث وهكذا. هنا الشيخ احمد السيد بيقول نقطة في غاية الاهمية. فقلبوا كتب اعداء الاسلام والمشككين في - 00:13:34

اصول بتلقوها طعن في بعض المواقف العملية السلوكية وليس بموافق متعلقة بصدقه صلى الله عليه وسلم. عمرك شفت شبهة عن النبي بتقول النبي كدب ده كذاب الموقف ده بيبي انه كذاب او بيبي انه مخادع او بيبي انه كذا - 00:13:54

لأ ما فيش. في بعض المواقف العملية السلوكية اللي ممكن يحصل عليها خلاف هو اتصرف صح هنا ولا غلط. ده بالنسبة لك وبحكمك اخلاقي ولا مش اخلاقي؟ وبنكتشف في النهاية لأ طبعا ان سلوك النبي محمد صلى الله عليه وسلم هو السلوك الصحيح الاخلاقي لكن في مسائل صدق هل هو - 00:14:14

صادق او كذب لا يمكن ما فيش اي ادعاء انه لأ ده هو كذاب. علشان لما يدعى النبوة تقول ده ياما كذب قبل كده هتصدقه هنا ليه؟ فيه روايات كثيرة جدا بتشهد ان النبي محمد صلى الله عليه وسلم كان صادقا. لم يكذب ابدا. الرواية المشهورة جدا اللي بتقول ان النبي محمد صلى الله عليه وسلم - 00:14:34

صعد الى الصفا اول امر الرسالة وقال جمع الناس وقال لهم ارأيتمكم لو اخبرتكم ان خيلا تخرج بسفح هذا بل اكنتم مصدقين؟ فيه بربو روایات بالفاظ مختلفة اللي هو فيما معناه انا فوق الجبل اهو. لو قلت لكم ان فيه ناس جايين من ورا الجبل هيهجموا عليكم دلوتي - 00:14:54

هتصدقوني ولا لأ ؟ قالوا ما جربنا عليك كذبا. وفي روايات تانية بتقول ما جربنا عليك الا صدقا. اللي هو اللي انت هتقول هنصدقك انت عمرك ما كدبت علينا. قال رسول الله صلى الله عليه وسلم فاني نذير لكم بين يدي عذاب شديد. ان انا رسول وكذا وبعثت وبيوحى الي - 00:15:14

وقال لهم بقى انا رسول مبعوث لكم وهكذا. الترتيب اللي ربته الشيخ عامر السيد انا مش معه قوي كنت لو انا مكانه يعني لعله يعمل هدف طبعا بعد كده ان انا ابدأ بالروايات التي تشهد بصدق النبي محمد صلى الله عليه وسلم ثم اتكلم عن الروايات اللي لو كذاب - 00:15:34

اتحط في المواقف دي كان قطعا ولا شك هيستغلها ويكتب. ودي نقطة في غاية الاهمية. طبعا انا عايز بس ارجع الاول لرواية ابو سفيان رضي الله عنه ان هو من الصحابة المخضرمين كان قعد وقت آآ من الكفار وكان بيحارب النبي محمد صلى الله عليه وسلم وبعدين اسلم في فتح مكة ده - 00:15:54

بحسب ما انا متذكر وان شاء الله اكون يعني المعلومات دي صحيحة. لما النبي محمد صلى الله عليه وسلم ارسل لهرقل عظيم الروم

وبعدين هرقل قعد يدور هو احنا عندنا - 00:16:14

حد في بلادنا من العرب اللي يعرفوا هذا مدعى النبوة فذهب ابو سفيان الى الشام قبل اسلامه وكان سيد قريش وقائدها. ضد رسول صلی الله عليه وسلم استدعاه هرقل عظيم الروم ليعلم منه خبر محمد صلی الله عليه وسلم. فقد يسأله اسئلة وكان مهم جدا انه بيان - 00:16:24

في الرواية الموقوف ان هرقل سأل مين اقرب واحد فيكم لمحمد صلی الله عليه وسلم؟ فابو سفيان قال انا كان ما كانش لوحده كان معه ناس تانيين من كفار قريش. فهراك لقال له انت اقف قدام والباقيين يكونوا وراك. يعني هرقل بيكلم ابو سفيان هرقل. ابو سفيان باصص له - 00:16:44

وفيه ناس ورا ابو سفيان باصين له هرقل. فهرقل قال للناس اللي وراه لو كذب شاوروا لي. وفي ناس وراه هو عارف ان فيه ناس وراه ممكن بيشاوروا وهو مش واحد بالله. فقال فيما معناه لولا ان هيترعرع عنى ان انا كذبت لك كذبت على النبي. عاوز يشوه صورته

- 00:17:04

فهراك لعظيم الروم قعد يسأل ابو سفيان مجموعة من الاسئلة فمن ضمنها السؤال عن نسبة وهو فينا ذو نسب والكلام ده كله هل كنتم تتهمونه بالكذب؟ فاجابه ابو سفيان لا. فرح رقل قال سألك هل كنتم تتهمونه بالكذب قبل ان يقول ما - 00:17:24

قال فذكرت ان لا فعرفت انه لم يكن ليذر الكذب على الناس ويكتذب على الله. مستحيل واحد اول ما هيبيتدى يكتذب هيكتذب على ربنا. هيقدر اربعين سنة ما يكتذب واول ما يكتذب هيكتذب على ربنا. وهيقدر طول فترة - 00:17:44

اوتووا لا يكتذب ابدا سبحان الله! فدي من ضمن الشهادات انه كان صادقا لم يكتذب ابدا. فيه الشيخ احمد السيد بقى بيذكر بعض المواقف اللي لو كانت لها دجال كذاب كان اكيد كذب واستغلها بطريقة فيها آآ خداع وكذب وهكذا. النبي محمد صلی الله عليه وسلم اتعرض - 00:18:04

للكثير من المواقف اللي لو هو كان بيألف في القرآن او كان بيكتذب ويدعي كان ممكن ينقذ نفسه سريعا جدا انه يفترى اي كلام بيرأ فيه نفسه او ينقذ الموقف اللي هو فيه. على سبيل المثال الاشاعات الباطلة التي تتهم عائشة زوج - 00:18:25

النبي محمد صلی الله عليه وسلم بالزنا. النبي كان ممكن بمحنته البساطة انه بيادر بتبرئة زوجه من هذه التهمة وسيصدقه الناس لكن في النهاية تأخر نزول الوحي اللي بيبرأ امنا عائشة رضي الله عنها من هذه التهمة. لكن في النهاية القرآن الكريم نزل. طب ليه؟ وفيه - 00:18:45

كتير من العلماء بيقولوا هذه النقطة من دلائل النبوة. تأخير الوحي. الوحي ده ما كانش بينزل على النبي محمد صلی الله عليه وسلم بمزاجه. واحيانا النبي محمد صلی الله عليه وسلم - 00:19:05

وسلم كان بيتسئل اسئلة لو كان بيألف كان جاوب على طول باي كلام. لكن احيانا كان الوحي بيتأخر وهذا التأخر كان يمكن يضع النبي محمد او كان بالفعل يضع النبي محمد صلی الله عليه وسلم في مواقف تقاد تكون محرجة. وهو ليه لو كذاب يضع نفسه في هذه المواقف - 00:19:15

ليه يتأخر كل ده في تبرئة امنا عائشة رضي الله عنها وانتظر حوالي شهر على بال ما القرآن الكريم آآ نزلت الایات في سورة اللي بتبرأ امنا عائشة. ايضا الموقف المشهور جدا آآ كسوف الشمس في اليوم الذي مات فيه ابراهيم ابن النبي صلی الله عليه وسلم. والعجيب والغريب في هذا - 00:19:35

الموضوع ان الناس بدأت تتكلم بكلام لو واحد دجال كذاب كان استغلها امثل استغلال. بالعكس النبي محمد صلی الله عليه وسلم لما استغلش هذا الكلام وصحح عقائده ومفاهيم الناس. الناس قالت ان هذا الحدث كسوف الشمس حصل علشان ابن النبي ابراهيم - 00:19:55

ابن النبي محمد صلی الله عليه وسلم اسمه ابراهيم ابراهيم ده مات. فحصل كسوف الشمس. فدي حاجة زي معجزة تقديرنا للحدث العظيم اللي حصل ده. فكان رد النبي محمد صلی الله عليه وسلم على هذا الكلام انه ما ايدهمش ولا حتى سكت. لأن قام فيهم خطيبا

00:20:15 مصححا هذا -

الاعتقاد الخاطئ معظمها ربه وخالقه ومولاه قائلًا ان الشمس والقمر ايتان من ايات الله لا ينكسفان لموت احد ولا لحياته ايضا كثير من العلماء بيتكلموا عن ايات العتاب. وانها من دلائل نبوة سيدنا محمد صلى الله عليه وسلم. ليه لو كان النبي محمد صلى الله عليه وسلم نبي كاذب - 00:20:35

ودجال وفاجر. ليه يعاتب نفسه في القرآن في تصرفات كانت ممكناً تمثلي. خصوصاً مثلاً موقف وتولى أن جاءه الأعمى وما يدريك لعله يذكر أو يذكر فتنفعه الذكرى ايات كثيرة بتحكي الموقف. والموقف مشهور ان - 00:20:55

النبي محمد صلى الله عليه وسلم كان جالس مع كبار قادة من الكفار وكان يأمل أن هم يسلموا فينصرُوا الإسلام والمسلمين لكن جاء الصحابي الأعمى جه يكلم النبي محمد صلى الله عليه وسلم. فالنبي عبس وتولى عن الأعمى اللي مش شايف عبوسه اصلاً - 00:21:15

فالله عز وجل انزل ايات بتبيين ان تصرف النبي محمد صلى الله عليه وسلم كان خلاف الاولى. وان الاولى انه كان يهتم بهذا المسلم ما يهتم بالكافار. اللي فوق كده الایات التي تقول وتخفي في نفسك ما الله مبديه وتخشى الناس - 00:21:35

والله احق ان تخشاها. وانا ارى ان هذا عتاب يعني كبير جداً وعظيم. اللي النبي محمد صلى الله عليه وسلم كان يخشى كلام الناس فيما يخص انه هيتزوج زينب آآ طلبيقة زيد ابن حارثة والكلام ده كله. فالله عز وجل عاتب النبي قال له وتخفي - 00:21:55

في نفسك ما الله مبديه وتخشى الناس والله احق ان تخشاها. عتاب عظيم جداً انه يتقال للنبي محمد صلى الله عليه وسلم. ايضاً في سورة التوبية عفا الله عنك لما اذنت لهم. وايضاً في سورة التحرير لما تحرم ما احل الله لك؟ الوحي بيتعاتب النبي وبيفصل افعاله. لو - 00:22:15

ده كان دجال كذاب يعاتب نفسه في ايات يظل المسلمين يتلوها الى يوم القيمة. تاني حاجة الشيخ احمد سيد بيتكلّم بقى بغض النظر عن الدلائل اللي احنا هنطلعها من السنة والسيره والحدیث. القرآن نفسه دليل على نبوة سيدنا محمد صلى الله عليه - 00:22:35

وسلم وتكلمنا عن هذه النقطة لو انت استخدمت السنة والسيره والحدیث في اثبات نبوة سيدنا محمد بقى فعلًا محمد نبی ويبقی القرآن ايضاً كلام الله او موحی به من الله. لو استخدمت القرآن الكريم واثبت من خلال القرآن الكريم انه موحی به من الله بقى ايضاً اثبت نبوة سيدنا محمد صلى الله عليه وسلم - 00:22:55

فعدننا طرق كثيرة ومختلفة علشان تقدر تثبت صحة نبوة سيدنا محمد صلى الله عليه وسلم وانه كان بيوحى اليه من الله عز وجل. فهنا ثانياً القرآن على صدق نبوته. ولابد من وضع هذه المقدمة اولاً ان النبي محمد صلى الله عليه وسلم كان اميلاً لا يقرأ - 00:23:15

ولا يكتب ولا يعرف الشعر. ومع ذلك جاء بالقرآن الذي فيه ما فيه وفوق ده كله هذا القرآن النبي محمد صلى الله عليه وسلم تحدي به البشر. اول نقطة العلماء بيتكلموا عنها التحدي القرآني لکفار قريش ان يأتوا بمثله. وبعددين - 00:23:35

فكرة تدرج هذا التحدي وانه في الاول ان يأتوا بمثل القرآن شف القرآن كان نزل منه قد ايه؟ هاتوا زيه. طب ده كتير عليكم فاتوا بعشر سور مثله. طب ده كتير عليكم في الآخر خالص فاتوا بسورة من مثله. طب هل - 00:23:55

في شروط معينة علشان نستجيب للتحدي يعني لازم كل واحد يجتهد لوحده ولا ممكناً نجتمع كلنا علشان نعمل نص يعني قوة مجتمعة كده نواجهك به. القرآن الكريم قال والله قل لأن اجتمعت الناس والجن على ان يأتوا بممثل هذا القرآن لا - 00:24:15

فيأتون بمثله ولو كان بعضهم لبعض ظهيراً. اعمل له تعاملوه. مش هتعترفه. فهم جداً بيان تدريج هذا تحدي ان حصل تنازل سمه كفار قريش كان عندهم الدافع انهم يستجيبوا لهذا - 00:24:35

قد وقع ذلك اثروا قتاله على ان يأتوا بسورة. هنا بيقول لك فاسروا قتاله على ان يأتوا بصورة لأنهم عجزوا عن ذلك. مع وجود اقوى الدواعي وهي الخصومة الشديدة والانفة من الهزيمة والامور المترتبة على الهزيمة. خل بالك في نقطة في غاية الاهمية. القرآن الكريم نزل - 00:24:55

على كفار قريش او في كفار قريش او ما بينهم يعني. الفكرة كلها هي ان بمجرد سماع القرآن الكريم كفار قريش ادركوا ان ده لا شعر ولا سحر ولا كهانة. ده كلام لا يستطيع المخلوق ان يأتي بمثله. بمجرد - 00:25:15

سماع بيدرك انه كلام الله. وبالتالي تم اقامة الحجة عليهم بمجرد تلاوة القرآن ما بينهم. يبقى المفروض بما ان الحجة اقيمت عليكم المفروض تؤمنوا وتدخلوا الاسلام. لكن هم مش عايزين يؤمنوا ويدخلوا الاسلام. يبقى انتم ايه؟ يبقى انتم كفار اشرار فجار - 00:25:35

محاربين لله ولرسوله. يبقى ايه عقوبكم بقى القتال؟ ان احنا نقاتلكم. ولما ننتصر عليكم نأخذ بقى الغنائم نأخذ فلوسكم وهكذا. ما انتم اقيم عليكم الحجة ومش عايزين تؤمنوا. ليه مش عايزين تؤمنوا؟ طيب استجيبوا للتحدي واثبتووا بطلان القرآن الكريم. يبقى كان - 00:25:55

في دواعي ودوافع تخليهم المفروض لو قادرين يستجيبوا للتحدي انهم كانوا اتوا بممثل القرآن او بسورة مثله لكن ده وحتى الذي حاول ان يأتي بممثل القرآن كفار قريش كانوا اول ناس بيضحكوا عليه. يعني آآ مسلمة الكذاب هو مين - 00:26:15

اللي قال عنه انه كذاب. القريب قبل البعيد الكافر قبل المسلم قال عن لما انه كذاب. لكن المسألة كانت ايه؟ ان الكذاب اللي قريب مننا افضل من الصادق اللي من قبيلة تانية او ايا كان. وكان بيقول والضفدع ما الضفدع والفيل ما الفيل وكفار قريش نفسهم كانوا - 00:26:35

انتقدوا الحاجات الهبلة اللي كان بيقولها مسلمة الكذاب. في النهاية كفار قريش لو كان بالفعل القرآن الكريم كان كلام بشر عادي ايه اللي يخلي النبي محمد صلى الله عليه وسلم يقول كلام ما حدش غيره يعرف يقول زيه. والفكرة كلها هنا في نقطة في غاية الاهمية. ان القرآن - 00:26:55

كريم كان اسلوباً جديداً فريداً في استخدام اللغة العربية اصلاً من بايه. لذلك كفار قريش ادركوا على طول ان ده كلام من الله عز وجل. لانه ليس نثراً عادياً مثل باقي كلام العرب. وليس شعراً من - 00:27:15

اللي العرب يعرفوه بالإضافة إلى النبي محمد صلى الله عليه وسلم ما كانش يعرف الشعر اصلاً وعمره ما كان معروف بانه بيقول اشعار او حتى بيحدد اشعار او هكذا اما سمعوا القرآن الكريم انه اسلوب نظم ورصيف الكلام مختلف عن النثر ومختلف عن الشعر ادركه كأن ده - 00:27:35

اسلوب جديد لاستخدام اللغة لم ندركه من قبل ادركه مرة واحدة ان ده اكيد وحي من الله عز وجل خصوصاً ان اسلوب القرآن مختلف عن اسلوب كلام النبي محمد صلى الله عليه وسلم في الأحاديث النبوية الشريفة. وهل يمكن اصلاً لشخص انه ينتحل طوال حياته - 00:27:55

مطلوبين مختلفين مميزين من الكلام يعني لما تيجي تكلم النبي ويكلمك عادي بالاحاديث والروايات العادية السنة والحديث تلاقيه بيتكلم باسلوب. ولما بيبلغ قرآن تلاقيه بيتكلم باسلوب تاني خالص مختلف تماماً عن اي كلام عربي اسمه عن احنا سمعناه قبل - 00:28:15

كده ازاي؟ فهم اثروا قتاله على ان يأتوا بسورة لانهم عجزوا عن ذلك. مع وجود اقوى الدواعي وهي الخصومة الشديدة والانفة من الهزيمة في النهاية خالص النبي محمد صلى الله عليه وسلم يعلن في مجالسهم قول الله تعالى قل لان اجتمعت الانس والجن على ان يأتوا بممثل هذا القرآن لا يأتون بمثله - 00:28:35

ولو كان بعضهم لبعض الظهيرة. وايضاً قول الله عز وجل في سورة البقرة وان كنتم في ريب مما نزلنا على عبيينا فاتوا بسورة من مثله ادعوا شهدانكم من دون الله ان كنتم صادقين. فان لم تفعلوا ولن تفعلوا. فانقروا النار التي وقودها الناس والحجارة اعدت - 00:28:55

كافرين. غير موضوع التحدي لأن موضوع التحدي القرآني ده مش مجرد اسلوب وطريقة كلام. لكن شف بقى اول الكلام نفسه اللي بيقال بالطريقة المميزة دي. ودي نقطة مهمة لأن الناس مش قادرة تفهم. هو ايه التحدي القرآني؟ هو مجرد ان انا - 00:29:15

في اخر كل اية اقول مسلا ايم قيم قيم كده يبقى خلاص لـ الاسلوب والصياغة والفصاحة والبلاغة والبيان وطريقة الكلام شف بقى المحتوى اللي متقال بالطريقة المميزة دي. بنقدر نطلع منها ايه. فتلاقي مثلا اخبار بالغيب في القرآن - 00:29:35

الكريم والعلماء قسموا الاخبار بالغيب بشكل عام لثلاث اقسام. الاخبار بالماضي والاخبار بالمستقبل. المستقبل الغريب ومستقبل بعيد.

مستقبل قريب زي فتح مكة مثلا ومستقبل بعيد زي غلت الروم في ادنى الارض وهم من بعد غلبهم سيفلبون - 00:29:55

او روايات تانية بتتكلم عن فتح مصر او الفتوحات الاخرى او ان المسلمين هينتصروا على الفرس او حاجات زي كده. وفي حتى

مستقبل ابعد من كده هو زي علامات الساعة والكلام ده. هنا الشيخ احمد السيد بيقول القرآن فيه اخبار الغيب الجازمة القاطعة. ما لا

يمكن لشخص كاذب - 00:30:15

مدعى ان يجاذف في اختراعها. هنا الشيخ احمد السيد بيقول نقطة مهمة خاصة وانه ليس محتاجا لقولها. وقد اتبعوه. يعني الصحابة

الاوائل هل هم اتبعوا النبي علشان الاخبار بالغيب؟ لا. الاصل في اتباع النبي محمد، صلى الله عليه وسلم، هو كمال الاخلاق وصدق -

00:30:35

فبمجرد ما قال انا رسول من الله عز وجل صدقوه. ثم نزلت ايات وبراهين بقى على كده زي القرآن الكريم اللي جاء به النبي محمد

صلى الله عليه وسلم وبباقي الایات لكن كان يكفي الكثير من الصحابة مجرد ان النبي ادعى انت مش هتيجي على دي وتبتدي

تكذب. احنا - 00:30:55

ما جربنا عليك الا صدقوا وما جربنا عليك كذبا. فلما تقول انا رسول الله صلى الله عليه وسلم يبقى انت رسول الله. وده كان سبب

ايمان ابو بكر الصديق رضي الله عنه وغيره من كبار الصحابة. ايضا من اسباب ايمان الكثير من الصحابة طبيعة الدعوة والرسالة التي

جاء بها النبي محمد صلى الله عليه وسلم - 00:31:15

وان هي غيرت حال العرب اللي كانوا عليه ايام الجاهلية وهكذا. زي ما النجاشي سأل جعفر بن ابي طالب قال له ايه الدين الجديد ده

اللي انتم عليه انتم تركتم دين قومكم وبقيتوا على دين جديد حتى انتم مش على نفس ديني النصرانية. فراح جعفر ابن ابي طالب

قال احنا كنا ايام - 00:31:35

جاهلية كذا فجاء النبي محمد صلى الله عليه وسلم دعانا لكتدا. فلما التزمنا بهذا اتغير حالتنا للافضل. المقصود ان النبي صلى الله عليه

وسلم ما كانش محتاج باب اخبار الغيب ده علشان الناس تصدقه وتومن به وتتبعه. الناس كانت اتبعته لاسباب اخرى - 00:31:55

فلو كان النبي محمد صلى الله عليه وسلم والعياذ بالله كذاب ودجال ومفترى ويكذب على الله ومدعى نبوة كاذب يعني ليه يورط

نفسه في ادعاءات اخبار غريبة والمفروض ان هو كذاب ما تطلعش صح في عرض نفسه ان الدين ده يهدم من بابه - 00:32:15

نفسه في باب يكشف من خلال هذا الباب كزبه وادعائه للنبوة باطلًا. فهنا الشيخ احمد السيد بيقول خاصة وانه ليس محتاجا لقولها

وقد اتبعوه او على الاقل يمكنه ان يذكر اخبارا مستقبلية بصيغة غير مؤكدة او بالفاظ تحتمل التأويل لان - 00:32:35

المغامرة هنا تعني خسارة الدعوة كلها حل الهزيمة. ودي نقطة مهمة ان نبوات سيدنا محمد صلى الله عليه وسلم او اخباراته الغريبة

مؤكدة يعني اتكلم عن ان احنا هنهزمناه هنهزم الفرس بصيغة مؤكدة. اتكلم عن فتح مصر بصيغة مؤكدة. اتكلم عن اشياء - 00:32:55

كسيرة ان ربنا هينصره وهيفتح مكة بصيغة مؤكدة وهكذا امور لا تحتمل التأويل. ذكر مثلا ان ربنا هينصره وفي الدنيا وان ده فعلنا

اللي حصل للنبي محمد صلى الله عليه وسلم وفي اخر دعوته كان منتصرا ومعه ميت الف من الصحابة وتقربيا خلاص كفار قريش -

00:33:15

من جزيرة العرب تماما وبالتالي الصيغ النبوات دي كانت صيغ مؤكدة وواضحة ولو كان هونبي كذاب ما كانش مفروض يورط نفسه

في حاجة زي كده. هنا من ضمن الدلائل او الاخبارات الغريبة الشيخ احمد السيد آآ جاء بقول الله عز وجل من كان يظن الا ينصره -

00:33:35

الله في الدنيا والآخرة. فليمدد بسبب الى السماء ثم ليقطع فلينذر هل يذهبن كيدهما يغفيظ. من ضمن الایات اللي بتقول ان ربنا

هينصره هينصره حتى لو فيه ناس يائست من ده ربنا هينصره. اغلب العلماء بيذكروا قول الله عز وجل هو الذي ارسل رسوله بالهدى

بالحق ليظهره على الدين كله. وكفى بالله شهيدا. وبيقولوا ان الاية دي معناها ظهور النبي محمد صلى الله عليه وسلم ودينه على الديانات الأخرى اللي كانت موجودة في جزيرة العرب وان ربنا هينصره عليهم وكفى بالله الشهيدة يعني حدوث ذلك شهادة من الله عز - 00:34:15

ان فعلنا النبي محمد صلى الله عليه وسلم رسول من عند الله عز وجل. ايضا بيذكر قول الله تعالى انا نحن نزلنا الذكر وانا له لحافظون. والذكر هنا باجماع المسلمين القرآن لأن سياق الآيات بتتكلم عن النبي محمد صلى الله عليه وسلم. ولما تيجي تتكلم عن التراث المتعلق بالقرآن الكريم - 00:34:35

القديمة ونقل القرآن سواء النقل الشفهي او النقل الكتابي تجد ان القرآن الكريم اكتر كتاب محفوظ من العالم القديم في العالم كله وحتى النصارى اللي بيدعوا ان اأ ده الكتاب المقدس اكتر كتاب محفوظ ده كلام فاضي. وان الكتاب المقدس له اكبر عدد من المخطوطات القديمة ايضا ده كلام فاضي - 00:34:55

بمجرد المقارنة وعملت حلقات عن الموضوع ده في سلسلة براهين نبوة. القرآن الكريم له مصاحف شبه كاملة من القرن الاول الهجري ايه اول نسخة كاملة للعهد الجديد من من القرن الرابع الميلادي النسخة اللي هي المخطوطة السنائية؟ ايه اقدم نسخة عبرية كاملة للعهد القديم - 00:35:15

اللي هي مخطوطة لينينجراد او مخطوطة حلب آآ اليهو كودكس بترجع آآ بداية القرن الحادي عشر الميلادي. فمسخرة خرا ان انت تقول اأ الكتاب المقدس ده محفوز اكتر بكثير من اي كتاب اخر قديم في العالم اأ القرآن هو اكتر كتاب من العالم القديم محفوظ - 00:35:35

سواء نسخ ومخطوطات او نقل شفهي منقول بالتواتر عن النبي محمد صلى الله عليه وسلم. ايضا من ضمن الآيات اللي علماء كثروا اتكلموا عنها من ضمن الاخبار بالغيب الف لام ميم غلت الروم في ادنى الارض وهم من بعد غلبهم سيغلبون في بعض سنين لله الامر من قبل ومن بعد ويومئذ - 00:35:55

يفرح المؤمنون بنصر الله ينصر من يشاء وهو العزيز الرحيم. هنا الشيخ احمد السيد كان بيعلق اسئلة ليه النبي يورط نفسه في الكلام ده ماذا لو لم تنشب هذه الحرب؟ وماذا لو نشببت ولكن كانت النتيجة فيها لصالح الفرس. فيه بعض الناس كده بيتعاملوا مع الادلة والبراهين دي بالسطحية - 00:36:15

السذاجة شديدة انا ما انساش ابدا في مرة في البلطوج واحد متخلص عقليا كان بيقول لك ايه يعني غلت الروم في ادنى الارض وهم من بعد غالبهم سيغلبون؟ ما ما هو الحرب مكسب وخسارة - 00:36:35

يعني جت معه كده. ما فيش حاجة اسمها جت معه كده. اولا قلنا قبل كده ان الموضوع مش باحد الادلة لكن بمجموع الادلة. مش دي النبوة الوحيدة او الاخبار الوحيدة - 00:36:45

بالغيب اللي اتكلم عنه من ده النبي محمد صلى الله عليه وسلم وطلع صادق فيه. لكن هي الفكرة لو كان كذابا. ليه يتكلم بهذه الدقة انه يقول انهم انغلبوا بعد كده هيغلبوا. ليه لو ما كانواش حاربوا تاني كان ايه اللي هيحصل؟ طب لو حاربوا تاني لكن النتيجة طلعت عكس ما قال النبي كان ايه - 00:36:55

ايه اللي هيحصل؟ ليه يورط نفسه في هذه الاخبارات الغريبة؟ وسبحان الله في الآخر يطلع صادق. ايه تفسير ده؟ الشيخ احمد هنا بيقول وما يدخل في هل القرآني القصص عن الامم السابقة؟ ودا ايضا داخل في اطار ان النبي محمد صلى الله عليه وسلم كان اميلا لا يعرف القراءة ولا - 00:37:15

كتابة. القرآن الكريم مليان قصص لامم السابقة. سواء قصص. فيه زيها موجود في الكتاب المقدس في كتب اليهود والنصارى. او في زيها موجود في مصادر خاصة باليهود والنصارى لكنها مصادر نادرة جدا غير معروفة عند العوام لم يطلع عليها - 00:37:35 الا المتخصصين القلائل جدا وغالبا آآ اليهود والنصارى في جزيرة العرب يعني قليل جدا منهم اللي كان يعرف هذه القصص وفي منها

قصص مش موجودة اصلا في تراثبني اسرائيل لكنها كانت معروفة عند العرب. وفي منها قصص كان يعرفها اهل - 00:37:55 الكتاب النبي اختلف معهم فيها وصح لهم ولما حدثت اكتشافات متعلقة بهذه القصص في التاريخ والكلام ده طبع كلام القرآن او الاخبار اللي احنا نعرفها عن القصص دي هي اللي صح. هنا بيقول العرب في ذلك الوقت لم يكونوا يعرفون - 00:38:15 تفاصيل قصص الانبياء مع اقوامهم. اما اهل الكتاب فعندتهم في كتابهم شيء من ذلك. هنا بيقول ايه؟ ليس كل ما في القرآن من قصص موجودا في كتابهم ودي نقطة في غاية الالهامية. الفكرة كلها ايه؟ النبي محمد صلى الله عليه وسلم كان اميلا لا يعرف القراءة ولا الكتابة. جاب منين كل هذه المعلومات - 00:38:35

اللي تحتاج واحد دارس جدا متخصص جدا موسوعي يعرف قصص اهل الكتاب اللي موجودة في الكتاب المقدس قل في المصادر التراثية الاخرى اليهودية والنصرانية ويعرف كمان عن تاريخ العرب قبل الاسلام وقصص الانبياء اللي جم للعرب من - 00:38:55 جدا. يعني قصة هود عليه السلام غير موجودة عند اهل الكتاب. قصة صالح عليه السلام غير موجودة عند اهل الكتاب. تفاصيل كثيرة عن ايوب غير موجودة عند اهل الكتاب. آآ قصص تانية زي اصحاب الاخذود غير موجودة عند اهل الكتاب. وفي قصص تكلم عنها النبي محمد صلى الله عليه وسلم غير موجودة الا في المراجع - 00:39:15

متخصصة جدا اغلب اهل الكتاب ما يعرفوش ان ده من ضمن تاريخهم اصلا. زي اصحاب الكهف. اصحاب الكهف قصة موجودة في كتب التاريخ المسيحي نادرا ما نصارها يعرفوا اصلا القصة دي اللي هي فتيبة افاسوس ولا مش عارف مين الاخ كرم عثمان كان جاب عنها اقتباسات - 00:39:35

من مراجع تاريخية مسيحية ممكن نعمل عنها حلقة مستقلة. لكن الفكرة كلها زي ما قلت قبل كده انا لو شخص معاصر اريد ان اذكر وكل هذه القصص اللي مذكورة في القرآن الكريم هضطر ان انا اجمع مكتبة ضخمة متخصصة من المراجع علشان - 00:39:55 اعرف الباقي فيها كل التفاصيل التي ذكرها النبي محمد صلى الله عليه وسلم في القرآن. هنا الشيخ احمد السيد بيذكر نقطة في غاية الالهامية وهي ايه؟ صيام اق القرآن لما بيحكى هذه القصص والطريقة اللي القرآن الكريم بيحكى بها هذه القصص. ودي نقطة يدركها اي شخص قارئ للكتاب المقدس - 00:40:15

تيجي تقرأ قصة سيدنا ابراهيم في الكتاب المقدس تجد ان الكتاب المقدس وما بيتكلمش ابدا عن طبيعة دعوته ولا المناظرات اللي حصلت مع اهله ولا ان هو بيقول لهم ما تعبدوش الاصنام اعبدوا الله الواحد ده مش موجود في الكتاب المقدس. تجد ان حاجات مش موجودة في الكتاب النبي محمد صلى الله عليه وسلم - 00:40:35

ذكرها ممكن تكون موجودة عند اليهود والنصارى لكن في مصادر تراثية متخصصة جدا زي ما قلت. والاسلوب بديع جدا ورائع وممتاز وتطلع اطلع في النهاية بفوائد ايمانية. مش زي ما النصارى نفسهم بيقولوا قصص من الماضي لا فائدة لها. هنا بيقول سياق القرآن احيانا بيصحح - 00:40:55

ما جاء عندهم فمن اين لرجل امي لا يقرأ ولا يكتب وعاش في وسط مكة ان يأتي بكل هذا. مع جمال في العرض صاح في السرد وببلاغة في الوصف وعبرة في الخاتمة وذكرى في البداية. مش بيحكى القصة وخلاص. حكي تاريخي زي ما النصارى عندهم - 00:41:15

في كتابهم المقدس لأن تجد مثلا على سبيل المثال لما القرآن الكريم بيتكلم عن قصة موسى عليه السلام واذاي سيدنا موسى كان في بداية دعوته وبعدين اه حصل القتل الخطأ وبعدين هرب وهو خايف وبعدين رجع تاني لفرعون وهو منتصر وعزيز. وتتجدد في نهاية السورة الله - 00:41:35

عز وجل يقول ان الذي فرض عليك القرآن لرادك الى معاد. وكأن الله عز وجل بيقول زي ما حصل مع سيدنا موسى هيحصل معك انت كمان هربت من قومك لكن هترجع لهم مرة تانية عزيز وقوى ومنتصر عليهم وهكذا. وربنا هينصرك. مع الاخذ في الاعتبار ان ده نقطة تانية هيتكلم عنها - 00:41:55

الشيخ عمد السيد ان من ضمن ادلة نبوة سيدنا محمد النبوات عنه في الكتب السابقة ومن ضمن النبوات عنه في الكتب السابقة شبهه

مع سيدنا موسى نبي مثلني من وسط اخوتكم. ربنا هيبعسه يعني. القرآن بيوضح ان فعلا النبي محمد صلى الله عليه وسلم آآ شبه جدا

- 00:42:15

سيدنا موسى في حاجات كتير ايضا في روایات کسيرة عن عن النبي محمد صلى الله عليه وسلم والصحابة انهم حصل معهم موقف زي ما حصل مع بنی اسرائیل قيل وهكذا. في الآخر بيقول ان كل ده لا يمكن لشخص اطلع على كل ما كتبه الامم ان ياتي بمثله فضلا عن رجال لم - 00:42:35

تقراً صحيفه واحدة في حياتي. القرآن الكريم بيوضح المعنى ده. بيوضح معنى ان اللي انت بتحكيه ده وحي. لا انت ولا قومك كنتم الكلام ده. ودي نقطه في غاية الاهميه. ان دي كانها اقامه حجه ربنا بيقيمهما في انفسهم. بمعنى ايه؟ تلاقى - 00:42:55

القرآن ده بيحكي قصص عن سيدنا موسى. بنی اسرائیل يسمعوا يقولوا ايه ده؟ هو محمد صلى الله عليه وسلم عرف الكلام ده منين؟ ده احنا ما حكينالوش الكلام ده العرب نفسهم يقولوا ايه ده! هو عرف منين القصص دي! ده احنا ما نعرفهاش! ولا عرفناها من بنی اسرائیل. فالقرآن الكريم بيقول في سورة القصص وما - 00:43:15

كنت بجانب الغربي اذ قضينا الى موسى الامر وما كنت من الشاهدين. ولكن انشأنا قرونا فتطاول عليهم العمر وما كنت ساويا في اهل مدينة تتلو عليهم اياتنا ولكننا كنا مرسلين وما كنت بجانب الطور اذ نادينا - 00:43:35

ولكن رحمة من ربكم لتذرر قوما ما اتاهم من نذير من قبلكم لعلهم يتذكرون. ربنا بيقول له انت بونش موجود كذا وانت ما تكونتش موجود كذا ده وحي. علشان هم يعرفوا لما يسمعوا بقى ان انت بتحكي ده يعرفوا ان انت اكيد لا يمكن تكون عرفت الحكايات دي غير - 00:43:55

بوحي من الله عز وجل. كذلك في قصة نوح عليه السلام. قصة نوح موجودة في الكتاب المقدس لكن التفاصيل اللي احنا نعرفها عن قصة نوح مختلفة وزيادة كثير عن اللي هم يعرفوه. الله عز وجل يقول في اخر سورة هود لما حكى قصة نوح تلك من انباء الغيب نوحيها اليك - 00:44:15

ده غيب يعني انت كبشر ما تقدرش تعرف ده الا بالوحي لأن انت لا بتعرف تقرأ ولا تكتب ولا اتعلمت على ايد حد قد ولا ولا فمن خلال معرفتنا بسيرة النبي محمد صلى الله عليه وسلم. طبيعي انه ما يعرفش القصة دي. لكنه عرفها. فيبقى ده دليل انه - 00:44:35  
وحي من الله عز وجل. ما كنت تعلمها انت ولا قومك من قبل هذا. فاصبر ان العاقبة للمتقين. ففي قصص كان معروف النبي بيحكيها لقومه وقومه ما يعرفوهاش. بنی اسرائیل يسمعوا الكلام ده يقولوا ايه ده! هو عرف الكلام ده منين! ده احنا ما حكيناش لقومه القصص دي - 00:44:55

عرفها منين وهو ما بيعرفش يقرأ ولا يكتب عرفها منين؟ اذا اكتفي بهذا القدر في هذا الفيديو علشان خاطر الفيديو ما يطولش عن كده. باذن الله عز وجل في - 00:45:15

فيديو اخر نكمel برهان كمال التشريعات والعقائد والاداب التي جاءت على لسانه صلى الله عليه وسلم. وبرضو هيتحط مع سلسلة فيديوهات براهين نبوة صحة الاسلام لو حاز هزا الفيديو على اعجابك فلا تنسي ان تضغط على زر عجبني ولا تنسي ان تقوم بمشاركة الفيديو مع اصدقائك المهتمين بنفس الموضوع ولو كنت قادرا على دعم ورعاية محتوى - 00:45:25

والقناة لو انت شايف ان هذا المحتوى يستحق الدعم والرعاية فقم بزيارة صفحتنا على بتريون ستجد الروابط اسفل الفيديو الى ان نلتقي في فيديو اخر قريبا جدا باذن الله عز وجل - 00:45:45  
لا تننسوني من صالح دعائكم والسلام عليكم ورحمة الله وبركاته - 00:45:55